



BRIYANDO FUERTE • TRECIENDO CLARIDAD  
DIASABRA 22 MAART 2025

Parlamentario Otmar Oduber  
**NO TIN CLARIDAD RIBA  
PRESUPUESTO 2025 NI  
RIJKSWET DOOR DI PELEA DEN  
E MATRIMONIO CU NO TIN FIN DI  
YEGA ALTAR**



**WWW.SOLODIPUEBLO.COM**



**SOLODIPUEBLO@GMAIL.COM**

## MIKE DE MEZA NO TA MINISTERIABEL PA GABINETE NOBO



## A POSPONE CASO DI DROGA DEN KIA VIA DRONE

**COMUNIDAD TIN DERECHO PA SA  
KIKO E RESULTADO DI SCREENING  
DI POSIBEL FUTURO MINISTERNAN  
TA Proceso ta tardando demasiado**



## MINISTER GEOFFREY WEVER DEN REUNION CU CONSUL GENERAL DI MERCA RIBA TERENO ECONOMICO



### ANUNCIO

SETAR ta informa cu debi na trabounan di mantencion lo por tin interrupcion di servicio di Mobile Data, Mobile Voice y SMS.

- Cuminsando diadomingo 23 di maart 2025 pa 11.00 pm te cu dialuna 24 di maart 2025 7.00 am.

Si e device perde conectividad, ta pidi pa restart esaki.

Nos disculpa pa cualkier inconveniencia.





# MINISTER THIJSSEN NA DIES NATALIS DI UNIVERSIDAD DI WAGENINGEN



Den Haag – Minister Plenipotenciario demisionario mr. Ady Thijsen a presencia riba invitacion di rector magnificus di Universidad di Wageningen (WUR) Carolien Kroeze e Dies Natalis di WUR. E Diez Natalis di 2025 tabata tin como tema

“Artificial Intelligence for Sustainable Futures”. Durante di e programa diferente científiconan y studiantenan a mostra riba un cambio responsabel y pa haci uso di AI pa logra un futuro basa riba responsabilidad duradero pa henter mundo.

Inteligente Artificial por contribui enormemente na ciencia dor di drecha analisis di data, acelera descubrimentonan y haci investigacion y metodonan den enseñansa posibel. Y si esaki ta relata na drecha metodo nan



den agricultura of por anticipa e impacto riba cambionan mundial. AI por ta un herment fuerte mundialmente pa innovacion científico y duradero. Nota pa redaccion: E potretnan ta cortesía di Arubahuis

# MINISTER GEOFFREY WEVER DEN REUNION CU CONSUL GENERAL DI MERCA RIBA TERENO ECONOMICO



Minister Geoffrey Wever a reuni cu Sr. Ramon Negrón, Consul General di Merca pa Aruba. E reunion tabata productivo, tocando diferente punto economico di importancia pa ambos Aruba y Merca.

E reunion entre Minister Geoffrey Wever y e

Consul General, Sr. Ramon Negrón, ta pone énfasis riba e importancia di continuacion di cooperacion riba tereno economico y di seguridad. E relacion entre Aruba y Merca ta fuerte. Aruba ta un di e destinacionnan turistico preferi di Mericanonan, y ta cas di diferente inversionnan multi-miionario Mericano, entre otro den turismo y energia, cu a traves di e añanan a/ta contribui enormemente pa e desaroyo economico di Aruba. Nos relacion cerca cu Merca ta wordo ilustra tambe door di e U.S. Customs and Border Protection (CBP) Preclearance cu tin na aeropuerto di Aruba, un di

e diesseis (16) na mundo, y ta importante pa nos preserva e cooperacion aki, mirando CBP ta yuda aporta na seguridad di ambos Merca y di Aruba. Tin necesidad pa mantene un dialogo habri riba cooperacion economico. No ta secreto cu tariffs implementa pa Merca, y cualkier accion retaliatorio di otro paisnan (Canada, Mexico, China, EU) lo tin efectoribacosto. E aumento di costo aki ta wordo pasa pa e productonan den forma di aumento di prijs. Mayoria di productonan importa na Aruba ta bin via di Merca, pues nos lo ta indirectamente afecta pa e desaroyonan aki.

Durante e reunion minister



Wever a trece esaki dilanti como un preocupacion, di cual lo comparti informacion necesario tocante e impacto cu e desaroyonan aki tin riba Aruba. Ministerio di Asunto Economico a bin ta monitor e situacion aki di cerca, y mirando cu continuamente

tin desaroyo e departamento nan concerni lo sigui documenta y 'update' e efectonan. Minister Geoffrey Wever a expresa su agradecimiento na Sr. Ramon Negrón pa su bishita, y pa e bon relacion y cooperacion continuo entre Merca y Aruba.



# Prome Minister Evelyn Wever-Croes: Riba invitacion di Prome Minister MIEMBRONAN DI E ORGANISACION WOMEN EMPOWERING WOMEN (WOW) A BISHITA BESTUURSKANTOOR



Recientemente Prome Minister Evelyn Wever-Croes tabata tin e honor di ricibi na bestuurskantoor 21 miembro di e organisacion Women Empowering Women (WOW). E miembronan di e organisacion aki ta hendenan muhe profesional cu ta hopi dinamico den sociedad riba diferente tereno, specialmente ora ta trata di empodera hende muhe.

Prome Minister a indica cu e organisacion aki ta reuni regularmente y a invitanan pa bin bishita

bestuurskantoor. Na yegada nan a haya un recorrido di e luga na unda nan por a mira e espacio na unda e crisisteam tempo di covid a reuni, e sala na unda ta tene e conferencianan di prensa pa despues termina den e sala di conseho di minister.

Durante nan bishita, Prome Minister a duna nan un presentacion di e "State of Affairs" di Aruba pa asina nan por tin un miho bista di con Aruba su economia y finanzas ta na e momentonan aki. Despues di e presentacion, e mandatario a hiba un



combersacion cu nan splicando nan con en realidad ta pa traha pa su persona como hende muhe den un posicion di lidersago y kico ta importante pa tene cuenta cune ora ta trata di lidersago femenino. Nan tabata tin hopi pregunta cu Prome Minister a contesta debidamente.

"E tabata un atardi hopi ameno. Mi tin un admiracion grandi pa e organisacion aki y



pa su miembronan pa tur loke nan ta haci, specialmente riba e tema di empoderamento di hende

muhe, y mi ta deseanan hopi exito" Prome Minister a expresa.







# Noticia di Corte

## A POSPONE CASO DI DROGA DEN KIA VIA DRONE

Awe mainta dos dama y dos homber a presenta dilanti Hues relaciona cu un caso di pasamento di droga den KIA via drone. Na dado momento, Hues a dicidi di pospone e caso, riba peticion di abogado mr. Griffith.

SOLO DI PUEBLO por a compronde cu e dos hombernan ta encarcela mientras cu e dos damanan ta liber. Hues, despues di a scucha Fiscal y abogadonan riba acusacionnan extra cu Fiscal a trece, a dicidi di pospone e caso.

E damanan L.T. (22), K.D. (21) y e hombernan D.A. (29) y R.P. (28) di Santo Domingo, a presenta den Corte. Ta asina cu e hombernan D.A. y R.P. ta encarcela mientras cu e damanan ta den libertad.

### PASA DROGA DEN KIA

E acusacion contra e hombernan D.A. y R.P.O. ta cu entre 1 Juli 2024 y 20 Augustus 2024, haciendo uso di un "drone" tabata hiba droga den KIA. E damanan L.T. y K.D. lo tabata yuda

den e transporte y bendemento.

Promer cu Fiscal a lesa e acusacionnan contra e grupo, el a bisa Hues cu e kier pone mas acusacion pa e sospechosonan. E acusacion cu a bin acerca contra e damanan, ta cu Fiscal ta acusa nan di ta complice di a yuda cu e transporte di droga. Pa e hombernan L.T. y K.D. tambe Fiscal a pidi pa pone acerca un acusacion. Fiscal a bisa Hues cu e acusacionnan aki no ta cambia e caso.

Abogado mr. Maldonado di e sospechosonan homber, a bisa Hues cu e no tin nada contra e acusacion cu Fiscal a pone acerca.

Abogado mr. Griffith a bisa Hues cu e ta contra e acusacion di complice cu ta trece cambio den e caso. E abogado a bisa cu e no a prepara su mes pa esaki.

### HUES A POSPONE E CASO

Hues, despues di a scucha e punto di bista di Fiscal y abogadonan, a pospone e caso un rato

pa bay evalua. Ora Hues a bolbe, el a bisa cu e ta aproba e acusacionnan pasobra nan no ta haci cambio den e caso. Sinembargo e caso contra e damanan, Hues ta haya cu esaki mester wordo posponi pasobra e ta compronde punto di bista di abogado, cu no a haya tempo pa prepara e acusacion extra di complice den yuda cu e bendemento di droga.

Hues a sigui bisa cu e pregunta cu ta surgi ta, con lo para cu e caso di e hombernan. Hues a splica cu si trata e caso di e hombernan, e participacion di e damanan tambe lo wordo papia ariba y si Hues dicta sentencia di e hombernan, e no por trata e caso di e damanan. E ora ey lo mester busca un otro Hues.

Hues kier trata e caso completo y pesey a dicidi cu e ta pospone e caso completo pa motibonan practico. A keda dicidi cu dia 20 Juni 2025 pa 8.30 di mainta, tratamiento di e caso lo tuma lugar.

## Prome Minister Evelyn Wever-Croes: Corsou ta bay urna electoral

# PROME MINISTER TA INVITA PUEBLO DI CORSOU PA SALI BAY VOTA

ORANJESTAD - Awe Corsou ta bayendo urna electoral. Prome Minister Evelyn Wever-Croes a expresa cu riba e dia di awe su pensamiento y curazon ta cu e pueblo di Corsou y cu e ta spera cu tur hende sali bay vota y expresa nan opinion pa asina por forma parti di e futuro di nan pais. Tambe e mandatario a expresa di ta spera cu cada persona tin respet pa opinion di otro, pa na fin di dia democracia por wordo celebra.

Corsou y Aruba ta islanan

ruman y ta enfrenta e mesun retonan, pero semper nos a traha hunto y ora nos como pais uni, nos ta logra cosnan grandi. Ta importante tambe pa e gobierno nobo di Corsou por traha hunto cu e gobierno nobo di Aruba pa asina hunto por enfrenta cualkier reto exitosamente. "Mi ta spera cu tur cos bay bon y cu calmo pa na fin dia nos por mira kico ta e resultado di e votacion. Cu Dios bendiciona dushi Corsou" Prome Minister a expresa.





Fraccion di PPA

COMUNIDAD TIN DERECHO PA SA KIKO E RESULTADO  
DI SCREENING DI POSIBEL FUTURO MINISTERNAN TA  
Proceso ta tardando demasiado

Otmar Oduber di Fraccion di PPA ta considera cu e screening di ministernan ta un problema, e ta tardando hopi. E ta indica cu a core pasa leynan pa pretende purba ta integro, di muestra transparencia y muestra mas santo cu Papa di Roma, pasobra mayoria den Parlamento a vota na fabor di ley di screening. Hopi di esnan cu a vota posiblemente lo kier mira rubira bek y mira si a vota corectamente of no. Mescos ta e caso di e ley di financiamento di partido politico. “A crea un ley cu a fomenta pa mas cosnan menos transparente tuma

lugar y no ta crea nada di e integridad cu bo ta buscando pa comunidad por haya un miho bista of sentimento cu tin mas control/screening ta tuma lugar pa tin e miho calidad den politica, sea di partido of candidatonan”.  
  
Opinion di Otmar Oduber ta cu e ley di screening mester conta pa e persona cu ta bira minister, pa su casa y famia cu cual e ta biba. Pero na momento cu ta bay mas leu cu esey, por ehempel, no tin control riba ken you ta namora di dje of un ruman cu no ta biba bou mesun

dak por ta involucra den dje. Door cu Aruba ta un sociedad chikito, e proceso di screening ta bay hopi leu y cu lo por hasta haci imposibel cu no solamente politiconan actual, pero futuro politiconan tambe, ya cu un di su famianan a haya sum es involvi den actonan cu no ta conforme reglanan cu tin.  
“Ta preocupami cu dos partido/persona cu a vota na fabor di e ley di screening ta papia di bay revise. Mester bay wake di cerca, mester wak si enberdad loke ta contene den e ley aki ta bay mucho leu of si ta den e caso aki



e candidatonan specifico di Futuro y/of AVP cu ta wordo gescreen ta hayanan den problema pa motibo di e proceso di screening cu mester tuma lugar”.  
  
Loke Otmar ta haya absurdo den su totalidad ta cu ta bay pa mas cu un

of dos luna pa loke ta trata screening, pero na ningun momento tin un update di con e proceso ta bayendo. Riba e posicion cu mester respeta privacidad di hende, e miembro di Parlamento ta bisa cu na momento cu na momento cu a postula riba lista y a dicidi di bira minister, no ta existi privacidad, independiente si a haya sa cu psicologicamente no ta bon, of cu ta consume droga, of cualkier otro situacion. “Mi ta kere cu comunidad tin e derecho pa sa kico e resultado ta di e screening aki, sino bo no mester a postula bo mes”.

MIKE DE MEZA NO  
TA MINISTERIABEL  
PA GABINETE  
NOBO

Segun e medio di noticia AVP24, Mike de Meza no ta ministeriabel pa e gabinete nobo. E noticia ta bisa cu De Meza tin un debe grandi cu belasting y tambe a bende un compania sin paga e impuesto necesario.

Esey ta considera como un delito fiscal, un asunto serio cu por tin consecuencia legal. Ley di screening ta bisa cu un minister mester ta ehemplar y mester cumpli cu su debernan.

Pa e motibo aki, algun hende ta sugeri cu mester selecciona un otro candidato pa minister, un persona sin problema di impuesto, pa evita cuestionamiento riba integridad di e gabinete nobo. E situacion ta crea duda si De Meza ta realmente elegibel pa tuma un puesto ministerial.

DETENCION ALARGA PA  
SOSPECHOSO DI ZEDEN

Huez a dicidi awe, riba peticion di Fiscal di Husticia, pa duna ordo pa detencion (gevangenhouding) di e sospechoso S.R.K. pa un termino di 90 dia, den cuadro di un investigacion di delitonan sexual. Prome cu e periodo aki termina, e sospechoso mester wordo presenta (pro-forma) dilanti Corte den Prome Instancia.

E investigacion ta continua.



Corte di Prome Instancia 25 maart 2025

Horario	Sospechoso	Acto Castigabel
08.30	J.A.D.	D. ta wordo acusa di posesion di un metrayador y balanan den e periodo di 31 di december 2024 te 20 di jnauari 2025.



Parlamentario Otmar Oduber

# NO TIN CLARIDAD RIBA PRESUPUESTO 2025 NI RIJKSWET DOOR DI PELEA DEN E MATRIMONIO CU NO TIN FIN DI YEGA ALTAR

Parlamentario Otmar Oduber comentando riba e proceso di formacion di gobierno, cual ta tardando, a bisa cu esaki ta un situacion inusual, a pesar cu den pasado tabatin formacionnan cu a tarda, pero e circunstancianan tabata totalmente diferente.

Aproximadamente 2 luna pasa Oduber a declara cu e formacion aki ta manera un matrimonio caminda cu e dos partnernan no tin confiansa den otro y ta marando e matrimonio na un cantidad di condicionnan.

Awe mas cu 100 dia despues di eleccion no solamente no tin confiansa y ta poniendo un cantidad di condicion, pero aparentemente prome cu e matrimonio ta existi ya caba un competencia di ken ta bisti carson na cas.

Cierto momento partido AVP a sali papia di 9 minister, Futuro a bisa claramente ta 7 sino fono. Esey tabata e prome 'pelea' publico cu tabatin, despues a sigui e parti cu a bisa cu lo bin cu mini ministers, partido AVP a bisa cu tin pensa den bin cu un forma di Secretario di Estado, Futuro a bisa publicamente un biaha mas

cu categoricamente esey no ta bay tuma lugar.

Igualmente por menciona e compromiso di 700 Florin cu AVP tabatin cu e pensionadonan, pero a desfrauda nos grandinan y mester a dobla pa Futuro cu a bisa cu ta 250 Florin ta duna awor aki. Recientemente por a mira esaki un biaha mas ora kier a nombra un minister plenipotenciario, partido AVP a bin dilanti y mustra practicamente ken ta e candidato, den e caso aki Sra. Desiree Croes, un persona sumamente bon prepara y pa cual Otmar tin un respet grandi pe. Futuro a bolbe sali y bisa claramente cu ta Futuro ta dicensi ken ta bira minister plenipotenciario.

Preocupacion grandi cu Fraccion di PPA tin na e momentonan aki ta cu ta na 10 dia cu mester atende cu un presupuesto y falta menos cu un luna pa e decision cu mester tuma lugar pa loke ta trata e Rijkswet.

PPA a bisa categoricamente cu nan tawata contra e Rijkswet cu tawata riba mesa. Prome Minister a bisa cu esaki a wordo hala for di mesa y tambe aparentemente tambe tabata decision di Consejo di Minister di Reino, pero ainda



no tin un draft nobo riba mesa. Por a scucha si cu tin hopi conversacionnan y negociacionnan cu ta tumando lugar riba nivel di ambtenaar. Loke PPA ta opina ta cu no por existi un Rijkswet cu no ta respeta nos derecho constitucional y nos Parlamento. E mester duna oportunidad igual dentro di Reino pa sostene otro pa haya interesnan mas abou y respeta e derecho cu nos tin como Arubiano y e lucha cu a worde hiba.

Otmar tabatin un conversacion cu Presidente di Parlamento caminda cu a mustre riba e echo cu ta violando e propio reglamento di ordo di Parlamento, pasobra

Fraccion di PPA a pidi un reunion publico casi 40 dia pasa pa loke ta trata Rijkswet y nada ainda, siendo cu e reglamento ta bisa cu den 30 dia e mester wordo yama. Esey kiermen cu ta papia di politica nobo, pero nada no ta cambia. E reunion aki ta importante pasobra e ora ey ta haya sa kico tur e fraccionnan den Parlamento ta para pe pa loke ta Rijkswet. Mirando esaki, Fraccion di PPA ta preocupa cu no ta bin claridad pa motibo di e pelea cu tin den e matrimonio cu ainda no ta caba di yega altar y lamentablemente na final di dia ta comunidad di Aruba ta esun cu lo wordo invita pa entiero.

## CAMBIA PERSPECTIVA TOCANTE OBESIDAD: SA BO NUMBER Y MIDI BO PESO





# GRUPO DI PERIODISTA HENDE MUHE A PARTICIPA DEN TAYER DI RAPP



Cu e obhetivo di conmemora e Dia Internacional di Hende Muhe, Red Arubiano di Prensa Profesional (RAPP) a organisa un tayer dirigi na periodistanan femenino denomina 'Reporting Safely for Women Journalists' pa asina enfoca riba seguridad y salud mental di esnan cu ta eherce e trabou di prensa.

E evento, cu a tuma luga diasabra 15 di maart na Impact Hub Aruba, a uni un grupo di periodista femenino cu pa hopi biaha ta enfrenta desafionan cu ta afecta tanto nan seguridad fisico como nan bienestar mental. For di 'online bullying' y discriminacion den trabou te cu cubri temanan sensitivo manera corrupcion politico y inhusticianan social. E situacion aki hopi biaha ta resulta den menasa, agresion y discriminacion cu ta aumenta e risiconan di stress, cansancio mental y aislamiento profesional. Door di crea un plataforma pa comparti experiencianan nan kier kibra e aislamiento aki y demonstra cu ta bon pa pidi ayudo. Na mesun

tempo, nan a enfoca riba hermentnan practico pa maneha stress, desaroya strategianan pa enfrenta desafionan, pone enfoca riba cuida personal y mehora seguridad en general.

Un danki grandi ta bay na e fundacion MamaCash cu a haci e tayer aki posibel. MamaCash ta un organisacion cu entre otro ta apoya hende muhe den boga pa nan derechonan y esaki a alinea cu RAPP su meta pa empodera e periodista cu conocimiento y confiansa pa navega e presionnan di periodismo mientras ta proteha nan bienestar.

E tayer a trece un sentimentodiunionyapoyo entre e participantenan, compartiendoe experiencianan personal y siñando di otro tocante desafionan di e profesion periodistico.

Den e sesionnan dinamico ofreci pa e psicologo y coach Sabrina Sonensein, e participantenan a haya capacitacion practico pa maneha stress, tipsnan pa tin un bon salud mental y desaroya strategianan



pa enfrenta menasanan y agresionnan cu por afecta nan trabou diario.

Red Arubiano di Prensa Profesional (RAPP) cu ta dedica na stimula e practica liber di periodismo y normanan di comportacion etico y asina ta traha pa inspira y educa e periodistanan actual y futuro periodistanan pa medio di desaroyo profesional. Tambe ta proteha e garantianan fundamental di libertad di expresion y libertad di prensa pa medio di su esfuersonan di defensa.

Un invitacion ta bay na e gremio periodistico na Aruba cu ainda no ta riba e lista di contacto pa manda un email pa haya mas

informacion tocante RAPP y con por bira miembro. Pa esaki por tuma contacto cu Red Arubiano di Prensa Profesional via email: [rapp.aruba@gmail.com](mailto:rapp.aruba@gmail.com).

Nota pa redactor: Pa mas informacion tuma contacto cu Red Arubiano di Prensa Profesional (RAPP) na [rapp.aruba@gmail.com](mailto:rapp.aruba@gmail.com)

## Clasificados

**[SOLODIPUEBLO@GMAIL.COM](mailto:SOLODIPUEBLO@GMAIL.COM)**

**CEL.585 9500**



# “SPEL ZONDER GRENZEN”: UN EVENTO YEN DI DIBERTICION PA EMPLEADONAN DI ARUBA BANK



Oranjestad, 21 di maart, 2025 – Pa di dos aña consecutivo, Aruba Bank a organisa e evento special “Spel zonder grenzen” pa su empleadonan.

E competencia amistoso a tuma lugar den e parking lot di Aruba Bank na Camacuri, unda ekiponan di maximo 6 persona a midi forsa den un ambiente dinamico y dibertido.

Reach Your Goal Foundation a anima e empleadonan, mientras DJ Sky a crea e ambiente vibrante cu musica contagioso.

Ganadornan di e competencia:

1. “Fun-tastic Leaders” – Lizani, Sandro, Jordrick, Louisette & Janine
2. “Cos Dushi” – Keagan, Jurny, Caitlin, Jovanny & Thierry

Premio pa e team mihor bisti: “Dushi Squad” – Angelle, Iluniza, Roxanne, Valery & Urian

E evento a uni empleadonan di Aruba Bank den un experiencia yena di alegria y “team spirit”, reforzando compañerismo den un ambiente relaha y motivador.





# Prome Minister Evelyn Wever-Croes: Prome Minister durante su discurso riba nos Dia Nacional: **NOS HIMNO Y NOS BANDERA TA SIMBOLONAN DI NOS LIBERTAD Y E RESILIENCIA DI E PUEBLO DI ARUBA**

18 di maart 2025, durante e Acto Protocolar en conexion cu Dia di Himno y Bandera, Prome Minister Evelyn Wever-Croes a duna un discurso elocuente papiando riba varios tema subrayando e importancia di nos himno y nos bandera.

Prome Minister a expresa cu nos himno y nos bandera ta simbolonan di nos libertad y e resiliencia di e pueblo di Aruba. Libertad tabata un deseo ferviente di nos pueblo na aña 1976, ora ainda nosruba no tabata sa cu 10 aña despues nos lo logra nos Status Aparte. Libertad ta un palabra significante pa tur pais na mundo cu den nan historia a biba y hiba un lucha a base di sanger, sodo y lagrima pa por a logra e ideal aki. Tin paisnan cu na e momentonan aki ta luchando pa conserva nan libertad.

Aruba tambe a hiba su bataya duro pa su libertad, y esaki a ser realisa danki na e union di e pueblo Arubano. Un union caminda no ta reina division. Nos a

prueba cu un pueblo uni hamas por ser hundi. Y nos a demostra esaki na varios biaha den historia di nos pais, desde nos Status Aparte 39 aña pasa. Recien tambe, durante e pandemia mundial Covid-19, cu tabata tin un impacto devastador pa Aruba, tipifica pa hopi perdida, perdida di bida di familiar y amigonan, impacto riba salud; mental y fisico, interrupcion den educacion, muchanan cu mester a separa di nan amigonan, perdida di entrada, perdida di negoshi y pa esnan mas vulnerable perdida di speransa.

Sinembargo un biaha mas, inspira pa nos himno y bandera, mes resiliente cu nos matanan di Watapana, mes firme cu nos barancanan den naturalesa, mes determina cu nos biento di pariba cu ta supla constante e nubianan di mal tempo pa nan pasa bay, pa rayonan di solo bolbe briya. Asina, uni, nos a lucha y saca nos pais padilanti memey di e olanan bruto. Y danki na e esfuerso conhunto di tur ciudadano di nos pais y trahadonan



den tur sector di nos comunidad, awe Aruba ta muestra un recuperacion impresionante.

Awe nos tin un economia den pleno progreso y stabil, danki na crecimiento di nos turismo, maneho di finansas publico responsabel y sostenibel, cu pa di tres aña ta muestra surplusnan financiero, cu desempleo mas abou den ultimo 20 añanan. Esaki a permiti nos di cuminsa duna bek na comunidad, y na esnan mas vulnerabel. Den e ultimo 7 añanan, apesar di e situacion

dificil financiero di pais Aruba y di e fondo di SVB, a aumenta e pensioen 5 biaha, a aumenta e sueldo minimo 4 biaha, e proposicion pa e di 5 aumento ta na Parlamento pa wordo trata, a aumenta e gehandicaptent uitkering y a duna empleadonan publico indexacion di salario despues di 8 aña.

E aña aki, 2025, ta premira un espacio financiero aun mas grandi, cu ta permiti pa duna aun mas bek na esnan mas vulnerabel. Estudionan pa yega na un entrada minimo social ta

kedando cla, y e espacio financiero tambe tey. Cu esaki por yuda esnan mas vulnerabel den nos comunidad pa por tin un bida digno.


“Nos no ta ainda caminda cu nos mester ta, tin retonan grandi ainda cu ta pidi atencion y solucion. Pero nos ta riba e bon caminda, pa hasi Aruba un pais mas fuerte y resiliente, cu por percura pa su mes, reflehando asina e espiritu patriotico di nos bandera y himno”, Prome Minister a indica durante su discurso.

## TRAFICO SIGUR















# UZO DI CELULAR DEN TRAFICO, UN PROBLEMA GRANDI

**Nos Celebro no ta diseña pa Multi-task, bo ta peligra bo bida y di otronan**






Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado: Sorteo di Anochi - March 21, 2025















 Sorteo # 8501 <b>2022</b> <b>1821</b> <b>1677</b>  <b>X2</b>  Sorteo # 7545 <b>5983</b>  <b>X2</b>  Sorteo # 2250 <b>5568</b>  Sorteo # 6304 <b>3266</b> <b>Leo</b>  Sorteo # 1234 <b>740</b>  <b>X2</b>	 Sorteo # 0 x Jackpot 0 x Match 4+ 0 x Match 4 0 x Afl. 12,00 <b>210.000,-</b>  Sorteo # 6775 0 x Jackpot 5 x Match 4 144 x Afl. 8,00 <b>11-14-15-18-30</b> <b>52.000,-</b>  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 <b>300.000,-</b>  <b>Afl. 420.000,-</b>  Sorteo # 
---	--

# 2 AUTO A CORE MEMEY CAMINDA DEN BIRADA Y A DAL OTRO DEN BANDA





Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado: Sorteo di Merdia - March 21, 2025

 Sorteo # 4570 <b>1249</b> <b>1871</b> <b>0038</b>  <b>X3</b>  Sorteo # 4570 <b>0831</b>  <b>X2</b>  Sorteo # 2626 <b>9797</b>  Sorteo # 4570 <b>6316</b> <b>Sagitario</b>  Sorteo # 1444 <b>038</b>  <b>FP</b>	 Sorteo # 0 x Jackpot 0 x Match 4+ 0 x Match 4 0 x Afl. 12,00 <b>210.000,-</b>  Sorteo # 0 x Jackpot 0 x Match 4 0 x Afl. 8,00 <b>52.000,-</b>  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 <b>300.000,-</b>  <b>Afl. 420.000,-</b>  Sorteo # 
--	--



Diaranson mainta a drenta informe di un accidente na Kudawecha, mesora a dirigi un patruya na e sitio.

Na yegada di e patruya a bin compronde cu aki ta

trata di un accidente unda ambos auto tabata core memey di caminda den un birada unda nan no por a mira otro y a bay dal den banda. Afortunadamente ningun hende a resulta herida.4

**PUEBLO A HAÑA SU PEN BEK**  
Pa kualkier informacion  
solodipueblo@gmail.com  
of  
585-9500



# TEAM SNOR Y BALASHI KNIGHTS

## P'E BATAYA DI ANTIAS!

Calabas/Kudawecha - Shonnan, diasabra awor, 22 di september, cuminsando pa 8'or di anochi, ta bay tin otro tremendo bataya di domino en preparacion p'e gran encuentro cu hermana islanan Corsow y Bonaire. Dos ekipo cu lo representa Aruba, lo bay midi forsa diasabra awor pa wak cua team lo hunga "rol" di Gran Cacique. Manera semper, entrada lo ta completamente gratis pa pueblo en general, y durante halftime pasapalo lo skeiro na ordo totalmente por nada. Nada menos cu e ekipo estelar di 2024, Team Snor bou guia dje ilustre magno drs. Snor Perez, lo enfrenta e team cu campeón mundial, esta Balashi Knights. Un anochi sumamente

interesante, ya cu aki lo investiga ken nan teorinan "quantum" den domino ta mas avansa. Pa duna nos lectornan un idea con avansa e dokternan aki den domino ta, nos ta trece un teoria avansa y controversial di Snor Perez dilanti: si bo lanta cu 6 piedra di 6 den bo man, pero bo tin un un-y-blanco tambe den bo man, bo no por sali c'un piedra di 6! Na Hulanda nan ta bisa "dat gaat boven mijn pet"! Na Merca nan lo bisa "that's above my paygrade!" Pero enfin, ken ta nos pa cuestiona e teorinan di Inteligencia Artificial uza awe 'n dia.

E preparacion aki ta bay den cuadro di preparacion p'e torneo benidero entra e islanan ABC. Di Aruba lo ta Team Snor y Balashi



### Paga bo cuenta online ta facil

Sea  
Abonnement  
of Aviso

Pago online,  
facil y lihe

SOLIO  
Di Pueblo

Pa hasi pago online pone nomber y adres na  
cuenta di banco RBC Sunmax Printing  
account # 7700000100152447

Knights. Di Corsow lo  
ta Nos Ambiente y E  
Piedra DT. Di Bonaire

lo ta Rincon Stars DT  
y Angel Stars DT. Keda  
pendiente shonnan p'e

anuncio di fecha y orario  
p'e sambombaso aki entre  
islanan ABC!



# FIFA TALENT ACADEMY ARUBA

## MILESTONE EVENT



History is made! Aruba is now home to the 4th FIFA Talent Academy in the world—and the 1st in the Caribbean!

Under FIFA & Arsène Wenger's Talent Development Scheme (TDS), the FIFA Talent Coach Programme has been working alongside AVB Academy to develop Aruba's most promising young players to international standards.

After months of dedicated collaboration between FIFA and the Aruban Football Association

(AVB), we are proud to celebrate this major milestone with a special event recognizing Aruba's commitment to elite talent development.

Join us as we mark this incredible achievement and shape the future of Aruban football!



**Clasificados**

CLASSIFIEDS

SOLODIPUEBLO@GMAIL.COM  
CEL. 585 9500







# Obituario

Publica serka nos anuncio di fayecimento di bo ser keri.  
Nos tin 2 pakete pa ofrece;

**Pakete 1:** Anuncio di fayecimento te dia cu e defunto  
ser dera  
Gradicimento y invitashon pa misa pa 3 dia Afl 250,00

**Pakete 2:** Anuncio di fayecimento te dia cu e defunto  
ser dera  
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

**Pa mas informashon por tuma contacto cu oficina na**  
**585-9500 of na 741-4554**



**SOLODIPUEBLO@GMAIL.COM**  
**CEL. 585 9500**

**Pa Orashion prome  
cu entierro  
ESTA VIGILIA  
y orashion despues  
di entierro esta  
OCHO DIA  
por jama  
Atanasio Bremo**

**Cel. 569 2763  
of 568 6141**

**SEMPER NA BO ORDO**

“Señor ta mi wardador, mi’n tin falta di nada. Den cunucu di yerbe berde e ta ponemi sosega. E ta hibami na awa trankil, Pa mi bolbe haña forza”. Salmo: 23

Cu profundo sentimento, pero conforme cu Dios su voluntad  
a bay sosega den braza di señor:

## Sra. Margriet Jansen-Laclé

(Chichi)

12 december 1946 - 18 maart 2025

Vda. di †Edwin Jansen

Yiu di †Maria y †Doei Laclé-Loefstok

Directiva di Kawara



Na nomber di:

Su yiunan:

Gina y Dennis Thijzen-Jansen

Gino Jansen

Nietanan stima:

Genisha Thijzen y Bryan Figaroa

Jasmira Thijzen

Su rumannan:

Frenk y Evelina Laclé-Figaroa

Emely y Victor Alberts-Laclé

Demas rumannan den felis memoria

Su sua y cuñanan:

Sra. Vda. Mena Laclé-Geerman

Sra. Vda. Winnie Webb-Jansen

Sr. Vdo. Richie Jansen y famia

Greta y Edgard Tromp-Jansen y famia

Yolanda y Ismael Wolter-Jansen y famia

Roy y Miriam Jansen-Figaroa y famia

Lourdes y Ruben Giel-Jansen

Swinda y Eddy Tromp-Laclé y famia

Su sobrino y sobrinanan:

Raymond Laclé y Eldrith Henriquez y famia, Esther Laclé y Richenel Maduro y famia, Harold Laclé y famia, Eric Laclé y famia, Ermond Laclé, Sheldon Laclé y Angie Faro y famia, Sherwin Laclé, Ken Laclé y Yenni Moreno y famia, Jo-Anne Alberts y Joshua Gomez y famia, Michael Alberts, Maritsa Danja, Martha Danja y Carlos Danja

Consuegra: Sra. Vda. Casimira Thijzen-Boekhoudt

Su amiganan: Mena Lumenier, Ina de Mey, Lourdes Figaroa

Na nomber di tur su ihanan, comer y compernan, primo(a)nan, su bon  
bisiñanan y Directiva y miembronan di Fundacion Kawara

Demas famia:

Jansen, Laclé, Thijzen, Loopstok, Loefstop, Croes, Geerman, Figaroa, Alberts, Danja, Leo, Tromp, Yarzagaray, Rijke, Webb, Giel, Wolter y Boekhoudt.

Na lugar di flor of krans lo aprecia un donacion pa un bon causa na Hospice  
Atardi, lo tin un box disponible.

Nos disculpa si den tristeza nos por a lubida cualkier famia/conocir.

Ta invita pa e acto di entierro cu lo tuma lugar dialuna 24 di maart 2025 na Misa  
Santa Filomena na Paradera di 10r pm pa 40r pm. Despues lo sali pa Santana  
Catolico Pastoor Kranwinkel na Paradera.

Nos ta lamenta cu despues di entierro nos no ta ricibi bishita di  
condolencia na cas.



# DAMA CHAUFFEUR A BIRA MALO TRAS DI STUUR SUBI ACERA DAL AUTO STACIONA



Diaranson mainta a ambulans na e sitio. Na drenta informe di un yegada di e patruxa a bin accidente cu hende herida compronde cu e dama na Plantersrust, mesora chauffeur di e Toyota Rav4 a dirigi tanto polis como bayendo pariba na dado



momento a bira malo tras di stuur bay na man

drechi subi acera dal un van staciona. Na yegada di

e ambulans nan a atende e dama.

## DIRECTIE NATUUR & MILIEU TA PRESENTA SERIE DI PODCAST: “CADUSHI TA ZONA CU DYRICK”

Oranjestad, Aruba – Directie Natuur & Milieu (DNM) ta entusiasma pa anuncia e lansamento di e serie di podcast “Cadushi ta Zona cu Dyrick”. Esaki ta un podcast dedica na entre otro educa y involvi e comunidad local tocante Aruba su medio ambiente, naturalesa, herencia cultural, desaroyo sostenibel, conexon vital entre naturalesa, salud y mucho mas.

E serie, “Cadushi ta zona cu Dyrick”, ta presenta door di perspectiva unico y natural di Dyrick, un hoben curioso y pasiona

cu Aruba su naturalesa y herencia cultural. Tur esnan cu sintonisa e serie aki ta embarca riba un biahe cu ta expand’e perspectiva y tene oreanan habri, explorando Aruba su biodiversidad, tradicion, esfuerzo di conservacion y retonan ambiental. Den cada episodio Dyrick lo combersa cu diferente representante di un organisacion cu tin di haci cu e topico di e dia ey y tambe cu expertonan local. Den e formato di un combersacion nan lo elabora tocante nos historia cu ta inspira hopi hende na Aruba. Hunto

cu Dyrick nos lo siña con pa proteha y conserva nos naturalesa y herencia pa futuro generacion di nos isla.

“Cadushi ta Zona cu Dyrick” ta mas cu djis un podcast, eta un movimiento pa conscientisa y inspira accion. “Door di comparti conocimiento na un manera atractivo y cu por identifica cu ne, nos kier logra un impacto duradero den e manera con e comunidad ta conecta cu y balora naturalesa,” asina Directeur Gisbert Boekhoudt di Directie Natuur & Milieu a expresa.



E podcast lo ta disponibel riba plataformanan manera Spotify, Apple Podcasts, como tambe riba rednan social manera Facebook, Instagram y e YouTube channel di DNM. Lo tin un episodio nobo cada dos siman cu ta cubri topiconan manera Aruba su ecosistema unico,

conservacion di fauna, cambio di clima, turismo sostenibel, identidad cultural, y hopi mas.

Keda pendiente pa e lansamento oficial. Sigui Directie Natuur & Milieu riba medionan social pa keda na altura di e fechanan y contenido exclusivo di cada episodio.



# TAME MONDRIA TA CUMINSA CU UN BIAHE AMBICIOSO DURANTE E CAMPAMENTO DI ENTRENAMIENTO DI WINTER NA TENERIFE



Desde Januari, Aruba su talento di slalom windsurf, Tame Mondra, a impresiona durante e campamento di entrenamiento exclusivo na Tenerife, Spaña . E campamento prestigioso aki ta trece e top atletanan di mundo den slalom windsurf y foil hunto. E campamentonan na Tenerife ta popular pa test material nobo manera entro otro valenan, boards, perfecciona tecnica bou varios condicion di biento y lama y siña di experto experencia y profesional. Esaki ta prome biaha cu Tame ta participa na un programa di un nival asina halto, cu ta duna un bunita oportunidad pa train hunto cu nombenan conoci den mundo di windsurf. Entre otro Tati Frans, Jordi Vonk, Amado Vrieswijk y otro atleta di clase mundial. Durante dos luna Tame a focus completamente riba training fulltime, un inversion tuma cu curashi y cu ta forma parti su mision mas amplio pa subi den rango den e mundo di windsurf competitivo. Na e momento aki Tame ta entre e top 10 di atleta hoben mundialmente den e kategoria U-21. E aña aki Tame ta dicidido pa bai pa un lugar den e top 5. Su entrenamiento intensivo



durante e winter training tabata un paso crucial pa prepara pa un aña di competencia demandante su dilanti. Cu e cambio reciente pa velanan Point-7 y FMX-boards Tame ta sinti su mes sigur y cu energia y cla pa competi pa un logar riba scenario di e prestigioso PWA World Cup Tour y evento di IFCA Slalom. Tame a hasi historia como e prome windsurfer Arubano cu ta bira parti di e Point-7 Youth Talents Team. Tocante su ambicion Tame ta bisa: “Cambiano pa Point-7 y FMX-boards ta manera bo ta conduci un Ferrari riba awa. Mi ta gradici e dos marka aki pa e bon bini caluroso den nan team y un danki special pa mi mayornan pa nan sosten financiero cu ta haci tur esaki posibel.”

Medio April Tame lo regresa Aruba pa cuminsa cu di siguiente fase di su mision. E lo cuminsa train intensivamente pa e prome evento di PWA World Cup, cu lo tuma lugar na Aruba como parti di Aruba Hi-Winds. Esnan interesa por sigui Tame riba media social (Tame Mondria / tamearu20) y via e website di Point-7 [www.point7.com](http://www.point7.com). E atleta ambisioso hoben aki nota solamente representa Aruba riba e escenario mundial; e ta muestra tamba kiko por logra cu traha duro cu pasion y dedicacion. Tene cuenta cu Tame mientras e ta haci su esfuerso pa logra medaya y sigui su soño pa bira un de e mihor windsurfer slalom di mundo.

# SUDOKU

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

							3	9
	8							5
		9		6		8		
		5		9				6
7								
		8	4		6			
		3		8			5	
	2		7			6		
4						1		



# FORTALEZA PA FAMILIA

## Scirbi pa Pastor Marcel Balootje.

# DIOS POR HACI TUR COS, PA ESUN CU TA KERE

No laga ningun hende bisa bo, cu no por, no laga nan horta bo sonjo, tampoco descurasha bo, pasobra si abo kere y confia den Dios, lo bo mira e gloria di Dios.

Aunke cuanto hende por ta contra, of ta kere cu bo mester ta miyonario pa bo logra, sabi cu si bo tin fe den Dios, bo sonjo lo bira realidad.

No ta importa si bo ta para bo so, basta bo ta para den Fe, tur hende por a core bay, y hasta tin biaha esnan cu bo a kere ta cu bo, no ta di acuerdo cu bo, si bo tin Fe den Dios, lo bo logra.

Tur cos ta depende si abo mantene bo fe den Dios y sigi perservera, pasobra Dios nunca ta bandona nos, aunke nos por ta infiel, Dios si ta keda fiel, Dios nos por nenga su mes.

Den boca di hende ta existi e palabra give up, pero den e vocabulario di Dios esey no ta existi, nos tin cu reconoce, cu nada no por stroba Dios di cumpli su proposito, ni falsedad di hende, ni bruheria, ni cuanto maldad wordo poni den bo caminda, si

bo tin fe lo bo logra.

Aunke enemigo mes ta den e asunto y abo no sa, manera e historia di Job, na final lo bo sali vencedor, pasobra bo tin Fe y no a murmura, bo a kere y Dios, a haci.

No tin rivalidad pa Dios, no tin hende cu por stroba Dios, pesey no laga duda ni flohera, drenta den bo curason y causa cu bo ta tropica, pero tene fiel na Dios, y lo bo sali dilanti, lo bo ricibi locual bo a haci oracion pe.

Tur locual nos kier logra den bida, ta existi curashi y perserverancia, nada no ta bini sin sacrificio, cosnan bon ta tuma nan tempo.

Hende grandi a yega di bisa: Sumpinja bo ta hanja tur caminda, pero fruta tin su temporada, pesey nos no mester di cansa di haci bon, pasobra den tempo di Dios, nos lo cosecha.

Palabra di Dios ta bisa: Deleita bo mes den Senyor y e lo duna bo e deseonan di bo curason. (Salmo 37:4).

Laga nos reconoce e bondad di Dios den nos

bida segun Su palabra: Cu e duna bo segun e deseo di bo curason, y cumpli cu tur bo plannan. ( Salmo 20:4).

Serca hende esaki ta imposibel, ma cerca Dios tur cos ta posibel. ( Mateo 19:26).

Ta ken por a kere cu David lo vence Goliath?

Ta ken por a kere cu Sadrac . Mesac y Abednego por a wordo tira den forno di candela y sali sin ningun cabey a kima?

Ta ken por a kere cu Anna



un muher steril por a sali na estado?

Ta ken por a kere cu Spirito Santo lo baha riba Maria, y Maria a duna lus na e Salvador di henter mundo incluyendo su mes?

Ta ken por a kere cu Hesus lo lanta Lazaro for di morto, siendo cu Lazaro tabatin 4 dia morto, y tabata hole?

Ta ken por a kere cu Dios a lanta Cristo Hesus for

di morto y awe E ta sinta na man drechi di Su Tata, y tur rudia mester dobla y tur lenga confesa cu Cristo Hesus ta Senyor pa gloria di Dios Tata.

Tin hopi plan den curason di hende, ma e consejo di Senyor esey lo permanece. ( Proverbionan 19:21).

Sperando den Senyor, cosnan grandi ta wordo activa den nos bida, pasobra ta Senyor mes ta donjo di tur cos.

## Oracion di dia

### Un feliz dia yena di hopi fe y speransa den nos bon Dios

"...sino conta e generacion venidero: esta gloria di Señor, su poder, ye cosnan milagroso c'El a haci." ( Salmo 78, 4bc) E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, Cristo Hesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cu Dios. Pero anos a sigui conta nos yiunan tocante di Dios manera nos grandinan a haci? Anos a siña e hubentud tocante e milagronan y sacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba e caminda cu Cristo Hesus a traha pa nos. "...pa nan tambe confia den SEÑOR, no lubida Dios su obranan grandi..." (Sal 78, 7) Oracion: Señor mi Dios motiva mi y guia mi, cu yudansa di Spirito Santo, ariba mi responsabilidad pa conta y educa e generacion nobo di

Bo Maraviya.

Y inspira nan pa nan sigui conta na e siguiente generacion.

Amen.

**Clasificados**

**SOLODIPUEBLO@GMAIL.COM**  
**CEL. 585 9500**

**SOLO Di Pueblo**